

INUIT ATAQATIGIIT INATSISARTUNI



30. juni 2022

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquutit:

- 1. Naalakkersuisut cyberikkut sillimaniarnermut upalungaarsimanissamut pilersaarummik piareersimasuuteqarpat?**
 - a. Taamaanngippat, Naalakkersuisut cyberikkut sillimaniarnermut upalungaarsimanissamut pilersaarummik sananissaminnut piareersaasiornissamut pilersaaruteqarpat?**
 - b. Inuiaqatigiit ingerlanneqarneranni atortuutinneqartut pingaaruteqavissut qanoq ilillutik upalungaarsimanermit pilersaarutip suliarineqarnerani aamma atuutsikkiartuaarneqarnerani peqataatinneqarnissaat, Naalakkersuisut qanoq takorloorpaat?**
 - c. Namminersorlutik Oqartussani oqartussat sorliit akisussaasuutinneqassappat upalungaarsimanermit pilersaarummut taamaattumut?**
- 2. Namminersorlutik Oqartussat Martsimi qarasaasiakkut saassunneqarmat, Namminersorlutik Oqartussanit upalungaarsimanermit allannguinermit malitseqartinneqarpa?**
 - a. Namminersorlutik Oqartussat qarasaasiakkut saassunneqarnerata kingorna suliniutit allat suut ingerlanneqarpat?**
- 3. Naalakkersuisut cyberikkut sillimaniarnermik upalungaarsimanermit pilersaarummik suliaqassappata,**

INUIT ATAQATIGIIT INATSIARTUNI



**minnerpaamik inuiaqatigiinni ingerlatsinermi atortuutinneqartut
pisariaqavissutut peqataasut qanoq eqqarsaatigineqarpat,
aningaasaqarnikkut allaffissornikkullu ukununga qanoq
kinguneqassanersut:**

- a. Pisortanit ingerlanneqartut?**
- b. Namminersorluni inuussutissarsiutilinnut?**
- c. Innuttaasunut?**

(Inatsisartunut Ilaasortaq Pipaluk Lynge-Rasmussen)

Tunngavilersuut:

Takoreerparput cyberikkut sillimaniarnerup aamma qarasaasiakkut saassunneqarnerup Royal Greenland-mi, Namminersorlutik Oqartussanut Napparsimaveqarfinnullu IT-kkut saassunneqarnerup kingunerisinnaasai, suliffeqarfik uniittuuitsissinnaavaa, taamaattorlu aamma nalunaaraasuartaatsitigut atortugut unittoortissinnaavaat, Kalaallit Nunaat tamakkerlugu.

Tamanna upalungaarsimanermut tunngasunik apeqquusiinissamut periarfissiivoq, pisoqassagalarpat isumagisassanut, "uumisaarinertut" isigiinnarnagu, kisiannili inuunitsinnut pingaaruteqarluinnartunik kinguneqarsinnaasunik aaqqissuusaanikkut ataqatigiissaarinikkullu saassussinertut isigissallugu, saassunneqarnertut.